

IOK-HÂN Ê PHOE TĒ SAM SU (64)

Choè tiúⁿ-ló ê phoe kià hō· só· thiàⁿ ê Ka-iū, chiū-sī goá tī chin-lí só· thiàⁿ ê.

²Só· thiàⁿ ê hiaⁿ-tī ah, goá goān lí bān sū oē heng-thong íong-kiāⁿ, chhin-chhiūⁿ lí ê lêng-hūn heng-thong chit iūⁿ. ³In-ūi ū hiaⁿ-tī lâi kan-chèng lí só· chūn ê chin-lí, chhin-chhiūⁿ lí tī chin-lí teh kiāⁿ, goá chiū chin hoaⁿ-hí. ⁴Goá thiaⁿ-kìⁿ goá ê kiáⁿ-jī tī chin-lí teh kiāⁿ, goá ê hoaⁿ-hí bô khah toā tī chit ê.

⁵Só· thiàⁿ ê hiaⁿ-tī ah, kìⁿ-nā lí só· khoán-thāi chhut-goā ê hiaⁿ-tī ê, sī tiong-sìn ê só· kiāⁿ. ⁶In bat tī hàu-hoē ê bīn-chèng kan-chèng lí ê thiàⁿ-thàng; lí nā háp tī Siōng-tè kā in sòng-hêng, chiū-sī choè hó sū. ⁷In-ūi in ūi-tiōh I ê miâ chhut-goā, bô tui goā-pang lāng thèh sím-mih mih. ⁸Só·-í hit hō lāng, lán eng-kai chih-chiap in, hō· lán ūi-tiōh chin-lí choè tâng tiōh-boā ê.

⁹Goá í-keng ū siá tām-pòh hō· kàu-hoē; tók-tók in tiong-kan ài choè thâu ê Tiu-ték-hui bô chiap-láp goán. ¹⁰Só·-í goá nā lâi, beh kì-tit i só· kiāⁿ ê sū, chiū-sī i ēng pháiⁿ oē lām-sám kóng goán; koh bô liáh chit-ê choè kàu-giáh, pún-sin m̄ chiap-láp hiaⁿ-tī, ū lāng ài chiap-láp, i chiū chók-tòng, soà kek in chhut hàu-hoē. ¹¹Só· thiàⁿ ê hiaⁿ-tī ah, m̄ thang óh pháiⁿ, tiōh óh hó. Kiāⁿ hó ê sī tui Siōng-tè chhut; kiāⁿ pháiⁿ ê bē bat khoàⁿ-kìⁿ Siōng-tè. ¹²Tí-bí-tiu hō· cheng lāng só· kan-chèng, chin-lí iā ka-kī choè i ê kan-chèng; goán iā

choè kan-chèng; lí chai goán ê kan-chèng sī chin.

¹³Goá ū choē-choē hāng ài siá hō· lí, nā-sī m̄ ài ēng pit bák siá hō· lí; ¹⁴sī òng-bāng kín-kín kìⁿ lí, lán chiah beh tng-bīn kóng. ¹⁵Goān lí pēng-an. Chiah ê pēng-iú kā lí chhéng-an. Chhiáⁿ lí sūi chit miâ kā hiah ê pēng-iú chhéng-an.